

॥चतुर्थः प्रश्नः॥

॥तैत्तिरीयसंहितायां प्रथमकाण्डे चतुर्थः प्रश्नः॥

आ ददे ग्रावा॑स्यध्वरकृद् देवेभ्यो॒ गम्भीरमि॒ममध्वरं कृधुत्तमेन॑ पविनेन्द्राय॑ सोम॑
सुषुतं मधुमन्तं पयस्वन्तं वृष्टिवनिमिन्द्राय॑ त्वा॒ वृत्रघ्न॑ इन्द्राय॑ त्वा॒ वृत्रतुर॑ इन्द्राय॑ त्वा॒
अभिमातिघ्न॑ इन्द्राय॑ त्वा॒ अदित्यवत् इन्द्राय॑ त्वा॒ विश्वदेव्यावते॒ श्वात्राः॒ स्थ॑ वृत्रतुरो॒ राधो॑गूर्ता॒
अमृतस्य॑ पलीस्ता॒ देवीर्देवत्रेमं॑ यज्ञं धत्तोपहूतः॒ सोमस्य॑ पिबतोपहूतो॒ युष्माक॑ (१)

सोमः पिबतु यत्ते॒ सोम दिवि॒ ज्योतिर्यत्॒ पृथिव्यां॒ यदुरावन्तरिक्षे॒ तेनास्मै॒ यजमानायोरु॒
राया॒ कृध्यधि॑ दात्रे॒ वोचो॒ धिषणे॒ वीडू॒ सती॒ वीडयेथामूर्ज॑ दधाथामूर्ज॑ मे॒ धत्तं॒ मा॒ वा॑
हि॑सिषं॒ मा॒ मा॒ हि॑सिष्टु॒ प्रागपागुदग्धरात्कास्त्वा॒ दिश्॒ आ॒ धावन्त्वम्ब॒ नि॒ ष्वरा॒ यत्ते॒
सोमादभ्यु॑ नाम॑ जागृति॑ तस्मै॒ ते॒ सोम॑ सोमाय॑ स्वाहा॑॥ (२)

युष्माक॑ स्वरु॒ यत्ते॒ नवं॒ च॥२॥ [१]

वाचस्पतये॒ पवस्व वाजिन्॒ वृषा॒ वृष्णो॒ अ॒शुभ्यां॒ गम्भस्तिपूतो॒ देवो॒ देवाना॑ पवित्रमसि॑
येषां॑ भागोऽसि॑ तेभ्यस्त्वा॒ स्वां॒ कृतोऽसि॑ मधुमतीर्न॑ इषस्कृधि॑ विश्वेभ्यस्त्वेन्द्रियेभ्यो॑
दिव्येभ्यः॑ पार्थिवेभ्यो॑ मनस्त्वाष्टूर्वन्तरिक्षमन्विहि॑ स्वाहा॑ त्वा॒ सुभवः॒ सूर्याय॑ देवेभ्यस्त्वा॑
मरीचिपेभ्यं॑ एष॑ ते॒ योनिः॑ प्राणाय॑ त्वा॥ (३)

वाचः॑ सुतंत्वारिष्टशता॑॥१॥ [२]

उपयामगृहीतोऽस्यन्तर्यच्छ॑ मधवन्॑ पाहि॑ सोममुरुष्य॑ रायः॑ समिषो॑ यजस्वान्तस्ते॑
दधामि॑ द्यावापृथिवी॑ अन्तरुर्वन्तरिक्षे॑ सुजोषा॑ देवैरवरैः॑ परैश्वान्तर्यामे॑ मंधवन्॑
मादयस्व॑ स्वां॒ कृतोऽसि॑ मधुमतीर्न॑ इषस्कृधि॑ विश्वेभ्यस्त्वेन्द्रियेभ्यो॑ दिव्येभ्यः॑ पार्थिवेभ्यो॑
मनस्त्वाष्टूर्वन्तरिक्षमन्विहि॑ स्वाहा॑ त्वा॒ सुभवः॒ सूर्याय॑ देवेभ्यस्त्वा॑ मरीचिपेभ्यं॑ एष॑ ते॒
योनिरपानाय॑ त्वा॥ (४)

देवेभ्यः॑ सुतं॒ च॑॥१॥ [३]

आ वायो॑ भूष॑ शुचिपा॑ उप॑ नः॑ सहस्रं॑ ते॒ नियुतो॑ विश्ववारा॑ उपौ॑ ते॒ अन्यो॑ मद्यमयामि॑
यस्य॑ देव॑ दधिषे॑ पूर्वपेयम्॑॥ उपयामगृहीतोऽसि॑ वायवे॑ त्वेन्द्रवायू॑ द्वुमे॑ सुताः॑। उप॑ प्रयोभिरा॑

चतुर्थः प्रश्नः (काण्डम् १)

गंतमिन्दवो वामुशन्ति हि॥ उपयामगृहीतोऽसीन्द्रवायुभ्यां^१ त्वैष ते योनिः सजोषाभ्यां त्वा॥ (५)

आ वांयो विचत्वारिष्ठशत्॥१॥ [४]

अ॒यं वां मित्रावरुणा सूतः सोमं ऋतावृधा। ममेदिह श्रुत॒॒॑ हवम्॥ उपयामगृहीतोऽसि मित्रावरुणाभ्यां त्वैष ते योनिर॒-ऋतायुभ्यां त्वा॥ (६)

अ॒यं वां विष्ठतिः॥१॥ [५]

या वां कशा मधुमृत्यश्विना सूनृतावती। तयां यज्ञं मिमिक्षतम्। उपयामगृहीतोऽस्यश्विभ्यां त्वैष ते योनिर्माधीभ्यां त्वा॥ (७)

या वांमृदादेश॥१॥ [६]

प्रातर्युजौ वि मुच्येथामश्विनावेह गच्छतम्। अस्य सोमस्य पीतयै॥ उपयामगृहीतोऽस्यश्विभ्यां त्वैष ते योनिरुश्विभ्यां त्वा॥ (८)

प्रातर्युजावेकात्राविष्ठतिः॥१॥ [७]

अ॒यं वेनश्चौदय॒त् पृश्चिंगर्भा॑ ज्योतिर्जरायू रजसो विमानैः। इमुपां॑ सङ्कुमे सूर्यस्य शिशुं॑ न विप्रा॑ मृतिर्भी॑ रिहन्ति॥ उपयामगृहीतोऽसि॑ शण्डाय त्वैष ते योनिर्वरतां॑ पाहि॥ (९)

अ॒यं वेनः पश्चविष्ठतिः॥१॥ [८]

तं प्रलथा॑ पूर्वथा॑ विश्वथेमथा॑ ज्येष्ठतांति॑ बरहिषद॑ सुवर्विदं प्रतीचीनं वृजनं दोहसे गिराऽऽशुं जयन्तुमनु यासु वर्धसे। उपयामगृहीतोऽसि॑ मर्काय त्वैष ते योनिः प्रजाः पाहि॥ (१०)

त॒ पश्चिष्ठतिः॥१॥ [९]

ये दैवा दिव्येकादश॑ स्थ पृथिव्यामध्येकादश॑ स्थाऽप्मुषदौ महिनैकादश॑ स्थ ते दैवा यज्ञमिमि॑ जुषध्वमुपयामगृहीतोऽस्याग्रयणोऽसि॑ स्वाग्रयणो जिन्व यज्ञं जिन्व यज्ञपतिमभि॑ सवंना पाहि॑ विष्णुस्त्वा॑ पातु विशं॑ त्वं पाहीन्द्रियेषैष ते योनिर्विश्वेभ्यस्त्वा॑ देवेभ्यः॥ (११)

ये दैवालिचत्वारिष्ठशत्॥१॥ [१०]

त्रि॒॒॑शत् त्रयैश्च गुणिनो॑ रुजन्तो॑ दिव॒॑ रुद्राः पृथिवीं च॑ सचन्ते। एकादशासो॑

अपसुषदः सुतः सोमि जुषन्ताऽ सवंनायु विश्वैः॥ उपयामगृहीतोऽस्याग्रयणोऽसि स्वाग्रयणो जिन्व यज्ञं जिन्व यज्ञपतिमभि सवंना पाहि विष्णुस्त्वां पांतु विशं त्वं पाहीन्द्रियेणैष ते योनिर्विश्वैभ्यस्त्वा देवेभ्यः॥ (१२)

त्रिऽशद् द्विचत्वारिऽशत्॥ १॥ [१]

उपयामगृहीतोऽसीन्द्राय त्वा बृहद्वते वयस्वत उकथायुवे यत् तं इन्द्र बृहद्वयस्तस्मै त्वा विष्णवे त्वैष ते योनिरिन्द्राय त्वोकथायुवे॥ (१३)

उपयामगृहीतो द्वाविऽशति:॥ १॥ [१२]

मूर्धानि दिवो अंरतिं पृथिव्या वैश्वानरमृतायं जातमग्निम्। कविः सुम्राजुमतिथि जनानामासन्ना पात्रं जनयन्त देवाः॥ उपयामगृहीतोऽस्युग्रयै त्वा वैश्वानराय ध्रुवोऽसि ध्रुवक्षितिर्ध्रुवाणां ध्रुवतमोऽच्युतानामच्युतक्षित्तम् एष ते योनिरुग्रयै त्वा वैश्वानरायै॥ (१४)

मूर्धानि पञ्चत्रिऽशति:॥ १॥ [१३]

मधुश्व माधवश्व शुक्रश्व शुचिश्व नभश्व नभस्यश्वेषश्वोर्जश्व सहश्व सहस्यश्व तपंश्व तपस्यश्वोपयामगृहीतोऽसि सुऽसर्पोऽस्य ऽहस्पत्याय त्वा॥ (१५)

मधुश्विऽशति:॥ १॥ [१४]

इन्द्रांश्च आ गंतः सुतं गीर्भिर्भो वरेण्यम्। अस्य पातं धियेषिता॥ उपयामगृहीतोऽसीन्द्राग्निभ्याँ त्वैष ते योनिरिन्द्राग्निभ्याँ त्वा॥ (१६)

इन्द्रांश्च विऽशति:॥ १॥ [१५]

ओमासश्वरपणीधृतो विश्वै देवास् आ गंता दाश्वाऽसौ दाशुषः सुतम्॥ उपयामगृहीतोऽसि विश्वैभ्यस्त्वा देवेभ्य एष ते योनिर्विश्वैभ्यस्त्वा देवेभ्यः॥ (१७)

इन्द्रांश्च ओमासो विऽशतिर्विऽशति:॥ १॥ [१६]

मरुत्वन्तं वृषभं वावृथानमकवारिं दिव्य ऽशासमिन्द्रम्। विश्वासाहमवसे नूतनायोग्र ऽसंहोदमिह तः हुवेम॥ उपयामगृहीतोऽसीन्द्राय त्वा मरुत्वंत एष ते योनिरिन्द्राय त्वा मरुत्वंतो॥ (१८)

मरुत्वन्तः पद्मिऽशति:॥ १॥ [१७]

चतुर्थः प्रश्नः (काण्डम् १)

इन्द्रं मरुत्वं इह पांहि सोमं यथा शार्याते अपिंबः सुतस्यै। तव प्रणीती तवं शूर शर्मना विवासन्ति कवयः सुयज्ञाः॥ उपयामगृहीतोऽसीन्द्राय त्वा मरुत्वं एष ते योनिरिन्द्राय त्वा मरुत्वं ते॥ (१९)

इन्द्रेकान्त्रिःशतः॥१॥

[१८]

मरुत्वाऽ इन्द्रं वृषभो रणाय पिबा सोममनुष्वधं मदाय। आ सिंश्वस्व जठरे मध्वं ऊर्मि त्वं राजाऽसि प्रदिवः सुतानाम्॥ उपयामगृहीतोऽसीन्द्राय त्वा मरुत्वं एष ते योनिरिन्द्राय त्वा मरुत्वं ते॥ (२०)

इन्द्रं मरुत्वो मरुत्वानेकान्त्र त्रिःशदेकान्त्र त्रिःशतः॥१॥

[१९]

महाऽ इन्द्रो य ओजसा पर्जन्यो वृष्टिमाऽ इवा स्तोर्मैवस्स्य वावृथे॥ उपयामगृहीतोऽसि महेन्द्राय त्वैष ते योनिर्महेन्द्राय त्वा॥ (२१)

महानेकान्त्रिःशतिः॥१॥

[२०]

महाऽ इन्द्रो नृवदा चर्षणिप्रा उत द्विबरहां अमिनः सहौभिः। अस्मद्वियंगवावृथे वीर्यायोरुः पृथुः सुकृतः कर्तृभिर्भूत्॥ उपयामगृहीतोऽसि महेन्द्राय त्वैष ते योनिर्महेन्द्राय त्वा॥ (२२)

महानृवृत्पदःशतिः॥१॥

[२१]

कदा चन स्तरीरसि नेन्द्रं सश्वसि दाशुषै। उपेन्द्रं मंघवन् भूय इन्द्रु ते दानं देवस्य पृच्यते॥ उपयामगृहीतोऽस्यादित्येभ्यस्त्वा॥ कदा चन प्र युच्छस्युमे नि पांसि जन्मनी। तुरीयादित्य सवनं त इन्द्रियमा तस्थावमृतं दिवि॥ यज्ञो देवानां प्रत्येति सुम्रमादित्यासो भवता मृडयन्तः। आ वोऽर्वाची सुमतिर्वृत्यादहोश्चिदा वरिवेवित्तरासत्॥ विवस्व आदित्यैष ते सोमपीथस्तेनं मन्दस्व तेनं तृप्य तृप्यास्मे ते वृयं तर्पयितारो या दिव्या वृष्टिस्तया त्वा श्रीणामि॥ (२३)

वः सप्तविःशतिश्च॥१॥

[२२]

वाममूद्य संवितर्वाममु श्वो दिवेदिवे वाममस्मभ्यं सावीः। वामस्य हि क्षयस्य देव भूरेरुया धिया वामभाजः स्याम॥ उपयामगृहीतोऽसि देवाय त्वा सवित्रे॥ (२४)

वामं चतुर्विःशतिः॥१॥

[२३]

चतुर्थः प्रश्नः (काण्डम् १)

अदंवेभिः सवितः पायुभिष्ठ॑ शिवेभिर्द्यु परि पाहि नो गयम्। हिरण्यजिह्वः सुविताय नव्यसे रक्षा माकिर्नो अधश्से ईशत॥ उपयामगृहीतोऽसि देवाय त्वा सवित्रे॥ (२५)

अदंवेभिष्ठ॑ योवि॒ शति॑ः ॥ १ ॥ [२४]

हिरण्यपाणिमूलये सवितारमुपं ह्यै। स चेत्ता देवता पदम्॥ उपयामगृहीतोऽसि देवाय त्वा सवित्रे॥ (२६)

हिरण्यपाणि॒ चतुर्दशा॥ १ ॥ [२५]

सुशर्मा॑ऽसि सुप्रतिष्ठानो बृहदुक्षे नमं एष ते योनिर्विश्वेभ्यस्त्वा देवेभ्यः॥ (२७)

सुशर्मा॑ द्वादशा॥ १ ॥ [२६]

बृहस्पतिसुतस्य त इन्दो इन्द्रियावत्तः पर्वत्वन्तं ग्रहं गृह्णाम्यग्रा(३)इ पर्वत्वा(३)ः सुजूद्वेन त्वष्टा सोमं पिबु स्वाहा॥ (२८)

बृहस्पतिसुतस्य पञ्चदशा॥ १ ॥ [२७]

हरिरसि हारियोजनो हर्योः स्थाता वज्रस्य भूर्ता पृश्वैः प्रेता तस्य ते देव सोमेष्यजुषः स्तुतस्तोमस्य शस्तोकथस्य हरिवन्तं ग्रहं गृह्णामि हरीः स्थु हर्योर्धनाः सुहसोमा इन्द्राय स्वाहा॥ (२९)

हरिः पञ्च॑ शति॑ः ॥ १ ॥ [२८]

अग्न आयू॑षि पवसु आ सुवोर्जमिष्ठं च नः। आरे बांधस्व दुच्छुनाम्॥ उपयामगृहीतोऽस्यग्रये॑ त्वा तेजस्वत एष ते योनिरुग्रये॑ त्वा तेजस्वते॥ (३०)

अग्न आयू॑षि त्रयोवि॑ शति॑ः ॥ १ ॥ [२९]

उत्तिष्ठनोजसा सुह पीत्वा शिष्रे अवेपयः। सोममिन्द्र चमू सुतम्॥ उपयामगृहीतोऽसीन्द्राय त्वौजस्वत एष ते योनिरुग्रये॑ त्वौ तेजस्वते॥ (३१)

उत्तिष्ठनोजवि॑ शति॑ः ॥ १ ॥ [३०]

तुरणिर्विश्वदर्शतो ज्योतिष्कदसि सूर्य। विश्वमा भासि रोचनम्॥ उपयामगृहीतोऽसि॑ सूर्याय त्वा भ्राजस्वत एष ते योनिः सूर्याय त्वा भ्राजस्वते॥ (३२)

तुरणिर्विश्व॑ शति॑ः ॥ १ ॥ [३१]

चतुर्थः प्रश्नः (काण्डम् १)

आ प्यायस्व मदिन्तम् सोम् विश्वाभिरुतिभिः। भवां नः सुप्रथस्तमः॥ (३३)

आ प्यायस्व नवं॥ १॥ [३२]

इयुषे ये पूर्वतरामपश्यन् व्युच्छन्तीमुषसुं मत्यासः। अस्माभिरु नु प्रतिचक्ष्याऽभूदो
ते यन्ति ये अंपरीषु पश्यान्॥ (३४)

ईयुरेकात्रविश्वातः॥ १॥ [३३]

ज्योतिष्मतां त्वा सादयामि ज्योतिष्कृतं त्वा सादयामि ज्योतिर्विदं त्वा सादयामि
भास्वर्तीं त्वा सादयामि ज्वलन्तीं त्वा सादयामि मल्मलाभवन्तीं त्वा सादयामि दीप्यमानां
त्वा सादयामि रोचमानां त्वा सादयाम्यजसां त्वा सादयामि बृहञ्ज्योतिषं त्वा सादयामि
बोधयन्तीं त्वा सादयामि जाग्रतीं त्वा सादयामि॥ (३५)

ज्योतिष्मतीः पद्मिश्वातः॥ १॥ [३४]

प्रयासाय स्वाहाऽऽयासाय स्वाहां वियासाय स्वाहां संयासाय स्वाहौद्यासाय स्वाहां-
अवयासाय स्वाहां शुचे स्वाहा शोकाय स्वाहां तप्त्वै स्वाहा तपत्ते स्वाहा ब्रह्महत्यायै
स्वाहा सर्वस्मै स्वाहा॥ (३६)

प्रयासाय चतुर्विश्वातः॥ १॥ [३५]

चित्तं सन्तानेन भवं युक्ता रुद्रं तनिम्ना पशुपतिः स्थूलहृदयेनाग्निः हृदयेन रुद्रं
लोहितेन शर्वं मतस्नाभ्यां महादेवमन्तःपार्श्वनौषिष्ठहनः शिङ्गनिकोशयाम्॥ (३७)

चित्तमृदादश॥ १॥ [३६]

आ तिष्ठ वृत्रहन् रथं युक्ता ते ब्रह्मणा हरीं। अर्वाचीनः सु ते मनो ग्रावा कृणोतु
वग्नान्॥ उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनैः॥ (३८)

आ तिष्ठ पद्मिश्वातः॥ १॥ [३७]

इन्द्रमिद्धरी वहतोऽप्रतिधृष्टशवसमृष्णाणां च स्तुतीरुपं यज्ञं च मानुषाणाम्॥
उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनैः॥ (३९)

इन्द्रमित् त्रयोविश्वातः॥ १॥ [३८]

असावि सोमं इन्द्रं ते शविष्ठ धृष्णवा गंहि। आ त्वा पृणक्षिन्द्रियः रजः सूर्यं न
रुश्मिभिः॥ उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनैः॥ (४०)

असांवि सुमित्रं शति: ॥१॥

[३९]

सर्वस्य प्रतिशीर्षे भूमिस्त्वोपस्थ आडधिता। स्योनाऽस्मै सुषदा भव यच्छास्मै शर्म सप्रथाः॥ उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनेऽ॥ (४१)

सर्वस्य पद्मिरं शति: ॥२॥

[४०]

महाऽ इन्द्रो वज्रबाहुः षोडशी शर्म यच्छतु। स्वस्ति नौ मधवा करोतु हन्तु पाप्मानं यौऽस्मान् द्वेष्टि॥ उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनेऽ॥ (४२)

सर्वस्य महान्यपद्मिरं शति: पद्मिरं शति: ॥३॥

[४१]

सुजोषां इन्द्रं सगंणो मरुद्धिः सोमं पिब वृत्रहञ्चूर विद्वान्। जहि शत्रूऽ रप मधौ नुदस्वाऽथाभयं कृणुहि विश्वतो नः॥ उपयामगृहीतोऽसीन्द्राय त्वा षोडशिनं एष ते योनिरिन्द्राय त्वा षोडशिनेऽ॥ (४३)

सुजोषां इन्द्रं शता ॥३॥

[४२]

उदु त्यं जातवेदसं देवं वंहन्ति केतवः। दृशो विश्वाय सूर्यम्॥ चित्रं देवानामुदंगादनीकं चक्षुर्मित्रस्य वरुणस्याग्नेः। आउप्रा द्यावापृथिवी अन्तरिक्षऽ सूर्य अत्मा जगतस्तस्थुषेश्वा॥ अग्ने नयं सुपथा राये अस्मान् विश्वानि देव वयुनानि विद्वान्। युयोध्यस्मञ्जुहराणमेनो भूयिषां ते नमं उक्ति विधेम॥ दिवं गच्छु सुवः पत रूपेण (४४)

वो रूपमूर्यैमि वयसा वयः। तुथो वो विश्ववेदा वि भजतु वर्षिष्ठे अधि नाकै॥ एतत् ते अग्ने राय ऐति सोमच्युतं तमित्रस्यं पथा नयूर्तस्यं पथा प्रेतं चन्द्रदक्षिणा यज्ञस्यं पथा सुविता नयन्तीर्ब्रह्मिन्मद्य राध्यासमृषिमारथेयं पितृमन्तं पैतृमत्यऽ सुधातुंदक्षिणं वि सुवः पश्य व्यन्तरिक्षं यतस्व सदस्यैरस्मद्द्वात्रा देवत्रा गच्छतु मधुमतीः प्रदत्तातरमा विश्रुतानंवहायास्मान् देवयानेन पथेत् सुकृतां लोके सीदतु तत्रः सङ्स्कृतम्॥ (४५)

रूपेण सदस्यैर्यदादेश च ॥२॥

[४३]

धाता रातिः संवितेदं जुषन्तां प्रजापतिर्निधिपतिर्नो अग्निः। त्वष्टा विष्णुः प्रजयो सङ्गराणो यजमानाय द्रविणं दधातु॥ समिन्द्र णो मनसा नेषि गोभिः सङ्ग सूरिभिर्मध्यवृन्धसः स्वस्त्या। सं ब्रह्मणा देवकृतं यदस्ति सं देवानाऽ सुमत्या

चतुर्थः प्रश्नः (काण्डम् १)

यज्ञियानाम्॥ सं वर्चसा पर्यसा सं तु नूभिरगम्भिः मनसा सः शिवेन। त्वष्टा नो अत्र वरिवः कृणो- (४६)

त्वनुं मार्षु तनुवो यद्विलिष्टम्॥ यदुद्य त्वा प्रयुति यज्ञे अस्मिन्नग्ने होतारमवृणीमहीह।
ऋधंगयाहृधंगुताशमिष्ठाः प्रजानन् यज्ञमुपयाहि विद्वान्॥ स्वंगा वौ देवाः सदनमकर्म य
आंजुग्म सवनेद जुषाणाः। रक्षिवाऽसः पपिवाऽसंश्च विश्वेऽस्मे धत्त वसवो वसूनि॥
यानाऽवंह उशतो देव देवान्तान् (४७)

प्रेरय स्वे अंगे सुधस्थै। वहमाना भरमाणा हवीऽपि वसु धर्म दिवमा तिष्ठतानु॥
यज्ञे यज्ञं गच्छ यज्ञपतिं गच्छ स्वां योनि गच्छ स्वाहैष ते यज्ञो यज्ञपते सहसूक्तवाकः
सुवीरः स्वाहा देवां गातुविदो गातुं वित्वा गातुमित् मनसस्पत इमं नौ देव देवेषु यज्ञः
स्वाहा वाचि स्वाहा वाते धाः॥ (४८)

कृष्णोत् तानन्दाचतुर्त्वारि ४ शत्र्च ॥ ३ ॥

उरुः हि राजा वरुणश्चकार सूर्याय पन्थामन्वेत्वा उ। अपदे पादा प्रतिधातवे-
इकरुतापवक्ता हृदयाविधश्चित्॥ शतं तैराजन् भिषजः सहस्रमुर्वी गंभीरा सुमतिष्ठे
अस्तु। बाधस्व द्वेषो निरक्षितिं पराचैः कृतं चिदेनः प्र मुमुग्यस्मत्॥ अभिष्ठितो वरुणस्य
पाशोऽग्नेरनीकमप आ विवेश। अपां नपात् प्रतिरक्षन्नसुर्य दमेदमे (४९)

सुमिधं यक्ष्यग्रे॥ प्रति ते जिहा घृतमुच्चरण्येथ्समुद्रे ते हृदयमप्स्वन्तः। सं त्वा विशन्त्वोषंधीरुताऽपो यज्ञस्य त्वा यज्ञपते हृविर्भिः॥ सूक्तवाके नमोवाके विधेमावभृथ निचङ्कुण निचेरुरसि निचङ्कुणाव देवैर्देवकृतमेनोऽयाडव मत्येमर्त्यकृतमुरोरा नौ देव रिषस्पाहि सुमित्रा न आप ओषधयः (५०)

सन्तु दुर्मित्रासतस्मै भूयासुर्योऽस्मान् द्वेष्टि यं च वृयं द्विष्मो देवीराप एष वो गर्भस्तं वः सुप्रीतुः सुभृतमर्कम् देवेषु नः सुकृतो ब्रूतात् प्रतियुतो वरुणस्य पाशः प्रत्यस्तो वरुणस्य पाश एधोऽस्येधिष्ठिमहि सुमिर्दसि तेजोऽसि तेजो मयि धेह्युपो अन्वचारिषु रसेन समसृक्षमहि। पयस्वा अग्न आऽग्नं तं मा स ए सृज वर्चसा॥ (५१)

दमेदम औपंधय आ पट चं॥३॥ [४५]

यस्त्वा हृदा कीरिणा मन्यमानोऽमर्त्यं मर्त्यो जोहवीमि। जातवेदो यशो अस्मासु एहि प्रजाभिग्ने अमृतत्वमश्याम्॥ यस्मै त्वं सुकृते जातवेद उ लोकमग्ने कृणवः स्योनम्। अश्विनः स पुत्रिणं वीरवन्तं गोमन्तं रुयिं नशते स्वस्ति॥ त्वे सु पुत्र शवसो इवत्रन् कामकातयः। न त्वामिन्द्राति रिच्यते॥ उक्थउक्थे सोम इन्द्रं ममाद नीथेनाथे मधवान् (५२)

सुतासः। यदीँ सुबाधः पितरं न पुत्राः समानदक्षा अवस्ते हवन्ते॥ अग्ने रसेन तेजसा जातवेदो वि रोचसे। रक्षोहाऽमीवचातनः॥ अपो अन्वचारिष्य रसेन समसृक्षमहि। पयस्वा अग्ने आऽग्नं तं मा सं सुजु वर्चसा॥ वसुर्वसुपतिरुहिकमस्यग्ने विभावसुः। स्यामं ते सुमतावपि॥ त्वामग्ने वसुपतिं वसूनामभि प्र मन्दे (५३)

अध्वरेषु राजन्। त्वया वाजं वाजयन्तो जयेमाभि ष्याम पृथमुतीर्मर्त्यानाम्। त्वामग्ने वाजसातमं विप्रां वर्धन्ति सुष्टुतम्। स नौ रास्व सुवीर्यम्॥ अयं नौ अग्निर्वरिवः कृणोत्वयं मृधः पुर एतु प्रभिन्दन्। अयं शत्रौञ्जयतु जरहृषाणोऽयं वाजं जयतु वाजसातौ॥ अग्निनाऽग्निः समिध्यते कविर्गृहपतिर्युवा॥ हव्यवाइ जुहूस्यः॥ त्वं ह्यग्ने अग्निना विप्रो विप्रेण सन्धस्ता। सखा सख्या समिध्यसौ॥ उदग्ने शुचयस्तव वि ज्योतिषा॥ (५४)

मधवानं मन्दे ह्यग्ने चतुर्दश च॥३॥

[४६]

वाचः प्राणय त्वा। उपयाम गृहीतोस्यपुनाय त्वा। आ वायो वायवे सुजोपाय्या त्वा। अयमृतायुयां त्वा। या वामश्विभ्यां मायाभ्यां त्वा। प्रातर्युजाविभ्यां त्वा। अयं वेनः शण्डाय त्वेष ते योनिर्मुरतां पाहि। तं मर्काय त्वेष ते योनिः प्रजाः पाहि। ये देवाङ्गिश्चादाग्रयोग्निं विशेष्यस्त्वा देवेयः। उपयाम गृहीतोसीन्द्राय त्वोक्थायुवै। मूर्धन्मूर्धयै त्वा वैशानुरायां मूर्धव सुं सर्पयिः। इन्द्रांग्री इन्द्राग्निभ्यां त्वा। ओमासो विशेष्यस्त्वा देवेयः। मूरुवन्तं त्रीणीन्द्राय त्वा मूरुवते। मूहान द्वे महेन्द्राय त्वा। कुदाचनुदित्येयस्त्वा। कुदाचनुस्तरीर्विवस्व आदित्या। इन्द्रः शुचिरपः। वामं त्रीन्द्रवाय त्वा सवित्रे। सुशर्मा विशेष्यस्त्वा देवेयः। ब्रह्मसप्तिस्तव्या सोमं पित्र स्वाहा॑। हरिरसि सुह सोमा इत्रायु स्वाहा॑। अग्ने आयोग्यग्रहयै त्वा तेजस्वते। उतिष्ठत्रिन्द्राय त्वोजस्वते। तुरणः सूर्याय त्वा भाजस्वते। आ तिष्ठाद्यः पठिन्द्राय त्वा पोडुशिनैः। उदु त्वं चित्रम्। अग्नेनय दिवं गच्छ। उरुमायुष्टे यद्वा मुशुग्नि। अग्राविष्णु मुमक्तम्। परा वै पङ्क्षः। देवा वै ये देवा: पङ्क्षाः। परा वै सवाचाम्। देवासुराः कार्याम्। भूमिवृत्यन्। प्रजापतिवृक्षयन्। भूमिरादित्या वै। अग्ने होत्रमादित्यो वै। भूमिर्लकः सलेकः सुलेकः। विष्णोदत्तमम्। अत्रपते पुनस्त्वाऽदित्याः। उरुः सं सुजु वर्चसा। यस्त्वा सुष्टुतम्। त्वमग्ने विचरिषे। यस्त्वा विरोचसे॥ आ ददै वाचस्पतय उपयामगृहीतोस्या वायो अयं वां या वां प्रातर्युजावय तं ये देवाङ्गिश्चादुपयाम गृहीतोसि मूर्धन् मधुषेन्द्रांग्री ओमासो मूरुत्वन्तमिद्रं मरुत्वान्मूरुम्हात्रवृवक्तुदा वाममदधेभिरु हिरण्यपणिः सुशर्मा वृहस्पतिसुतस्य हरिस्त्रस्यग्ने उतिष्ठन्तरणिरु प्यायस्वेयुषे ये ज्योतिष्मतिं प्रयासाय चित्तमा त्रिष्ठूमसावि सर्वस्य महान्सुजोषा उदु त्वं धातोरुः हि यस्त्वा पद्मत्वारिष्ठशत॥४॥

आ दंदे ये देवा मुहानुच्छिष्टसर्वस्य सन् दुर्मित्राश्रतुः पञ्चाशत्॥५०॥

आ दंदे तव वि ज्योतिषा॥

हरिः ॐ ॥

॥कृष्ण-यजुर्वेदीय-तैत्तिरीय-संहितायां प्रथमकाण्डे चतुर्थः प्रश्नः समाप्तः॥१-४॥



generated on December 25, 2025